

সারাদেশ

কলাপাড়ায় গ্রাহকের টাকা আত্মসাতের মামলায় ব্যাংক আউটলেট ম্যানেজার গ্রেপ্তার

প্রতিবেদক: পটুয়াখালী প্রতিনিধি

প্রকাশের তারিখ: রোববার, ০৯ আগস্ট ২০২৬, ০৮:৩৪ PM



পটুয়াখালীর কলাপাড়ায় গ্রাহকের টাকা আত্মসাতের অভিযোগে দায়ের করা মামলায় আল-আরাফাহ ইসলামী ব্যাংকের একটি আউটলেটশাখার ম্যানেজার মো. রাহাত ইসলামকে (৩৪) গ্রেপ্তার করেছে পুলিশ।

রোববার (৯ আগস্ট) পিরোজপুরের ভান্ডারিয়া উপজেলা থেকে তাকে গ্রেপ্তার করা হয়। কলাপাড়া থানার উপপরিদর্শক (এসআই) মো. ফেরকান মিয়ার নেতৃত্বে পুলিশের একটি দল অভিযান চালিয়ে তাকে গ্রেপ্তার করে।

পুলিশ জানায়, কলাপাড়ার পাখিমাড়া বাজারে অবস্থিত আল-আরাফাহ ইসলামী ব্যাংকের আউটলেট শাখার গ্রাহকদের টাকা আত্মসাতের অভিযোগে রাহাত ইসলামের বিরুদ্ধে মামলা করা হয়। ওই মামলায় তাকে গ্রেপ্তার করা হয়েছে। রাহাত নীলগঞ্জ ইউনিয়নের পূর্ব দৌলতপুর গ্রামের মৃত জব্বারের ছেলে।

কলাপাড়া থানার এসআই মো. ফেরকান মিয়া বলেন, গ্রাহকদের টাকা আত্মসাতের অভিযোগে করা মামলায় রাহাত ইসলামকে গ্রেপ্তার করা হয়েছে। গ্রেপ্তারের পর তাকে আদালতে পাঠানোর প্রক্রিয়া চলছে।

পুলিশ জানিয়েছে, অভিযোগের বিষয়ে তদন্ত চলছে। তদন্ত শেষে টাকা আত্মসাতের পরিমাণসহ ঘটনার বিস্তারিত তথ্য জানা যাবে।

এদিকে ব্যাংকের গ্রাহকের টাকা আত্মসাতের অভিযোগে ম্যানেজার গ্রেপ্তারের ঘটনায় স্থানীয় গ্রাহকদের মধ্যে উদ্বেগ ও চাঞ্চল্যের সৃষ্টি হয়েছে।

এ বিভাগের আরও খবর



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটার অভিযোগ
নওগাঁর মাদ্যায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মাদ্যায় মসজিদের ভেতরে হুকে মাদুমুর রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জো...



শোক দিবসে খিচুড়ি রান্নার সময় ইউপি চেয়ারম্যানসহ ২ জন গ্রেপ্তার
কুষ্টিয়ার ভেড়ামারায় শোক দিবস উপলক্ষে খিচুড়ি রান্নার সময় ইউনিয়ন পরিষদের (ইউপি) চেয়ারম্যানসহ দুই ভাইকে গ্রেপ্তার করেছেন পুলিশ। শনিবার (১৫...



ক্যাশলেস সোসাইটি বিনির্মাণে ব্রাহ্মণবাড়িয়ায় রূপালী ব্যাংকের রোড শো
ক্যাশলেস সোসাইটি বিনির্মাণে জনসচেতনতা তৈরির লক্ষ্যে ব্রাহ্মণবাড়িয়ায় রূপালী ব্যাংকের উদ্যোগে সচেতনতামূলক রোড শো
অনুষ্ঠিত হয়েছে। শনিবার (১৫ আগস্ট)....

Copyright Dhaka Probe

অনলাইন সংস্করণ পাড়তে ভিজিট করুন: <https://dhakaprobe.com/saradesh/klaparay-grahker-taka-atmsater-mamlay-bjangk-outlet-mjanejar-greptar>